



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

ZL.Anr. 87/20117

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Adnan Konushevcu kryesues, Ymer Hoxha dhe Zyhdi Haziri anëtar, me pjesëmarrjen e Zyrtarit të Lart Ligjor Kudret Hasani, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, të cilën e përfaqëson sipas autorizimit Blerim Sallahu, paraqitur kundër Gazmend Hetës, në cilësinë e Drejtorit të Shkollës “Halil Bajraktari”, Komuna e Glllogocit, për shkak të pengim të mbajtjes të tubimit publik, të subjektit politik, për Zgjedhjet Lokale që do të mbahen me datë 22.10.2017, në seancën e panelit të mbajtur në prani të përfaqësuesit të parashtruesit të ankesës dhe në mungesë të kryerësit të supozuar i ftuar me rregull për seancë, pas përfundimit të seancës më datë 02.10.2017, mori këtë:

## V E N D I M

**I. PRANOHET** pjesërisht si e bazuar ankesa e subjektit politik Lëvizja Vetëvendosje (LVV), me seli në Prishtinë, që identifikohet me shenjë ZL.Anr.87/2017 e datës 27.09.2017, ashtu që Gazmend Hetës, në cilësinë e Drejtorit të Shkollës “Halil Bajraktari”, Komuna e Glllogocit, **I NDALOHET** pjesëmarrja në zgjedhje, si pjesë e stafit administrativ e ndonjë organi zgjedhor, të menaxhuara nën autoritetin e Komisionit Qendror të Zgjedhjeve (KQZ), me seli në Prishtinë, në kohëzgjatje prej 5 (pesë) vite, duke i përfshirë edhe Zgjedhjet Lokale, që do të mbahen me datë 22.10.2017.

**II. REFUZOHET** si e pabazuar pjesa e ankesës e subjektit politik Lëvizja Vetëvendosje (LVV), me seli në Prishtinë, me të cilën ka kërkuar që ti shqiptohet dënimi me gjobë ndaj Gazmend Hetës, për shkak të pengimit të mbajtjes së tubimit, gjatë fushatës zgjedhore, për Zgjedhjet Lokale, që do të mbahen me datë 22.10.2017.

## A r s y e t i m

Përfaqësuesi i parashtruesit të ankesës, si në ankesën e parashtruar në PZAP, me datë 27.09.2017, gjatë shqyrtimit të kësaj çështje në seancën e panelit të datës 02.10.2017, ashtu edhe në fjalën përfundimtare ka pretenduar se subjekti politik Lëvizja Vetëvendosje (LVV) është penguar me rastin e mbajtjes së tubimit publik me datë 26.09.2017, në Glllogoc, Shkolla Fillore “Halil Bajraktari”, pasi që personi me emrin Gazmend Heta, nuk ka lejuar për tu mbajtur tubim publik në ditën e mbajtjes së tubimit publik, përkundër se e njëjta ishte paraparë që të mbahet dhe kishte leje nga KKZ-ja në Glllogoc. Parashtruesi i ankesës konsideron se në rastin konkret ka pas pengim për mbajtjen e tubimit publik. Me propozim për panelin që ankesa të aprovohet në tërësi si e bazuar dhe të merren masa ndëshkuese ndaj drejtorit të shkollës Gazmend Heta si dhe të shqiptohet dënim me gjobë.

Paneli ka caktuar me datë 02.10.2017, seancë për shqyrtimin e kësaj çështje, mirëpo kryerësi i supozuar nuk ka prezantuar në seancë, ndërsa nga fletë kthesa e dorëzuar nga PZAP-i, është konstatuar se Gazmend Heta, në cilësinë e kryerësit të supozuar, e ka pranuar ftesën për seancën e datës së lartpërmendur më datë 28.09.2017, por i njëjti nuk ka prezantuar në seancë dhe mungesën e tij nuk e ka arsyetuar, prandaj paneli konform nenit 423 par.4 të Ligjit të Procedurës Kontestimore (LPK), shqyrtimin e kësaj çështje e ka mbajtur në mungesë të kryerësit të supozuar të ftuar me rregull.

Paneli i PZAP-it, në këtë çështje juridike me qëllim të vërtetimit të plotë dhe të drejtë të gjendjes faktike shqyrtoi pretendimet e palëve në procedurë dhe provat si në vijim: Formulari për Njoftimin e mbajtjes së tubimit Publik me nr.159/17 i datës 22.09.2017, Shikohet CD me Video nga vendi ku ka qenë i paraparë mbajtja e tubimit publik, Lexohen deklarata e Zyrtarit Komunal Zgjedhor në Komunën e Glllogocit e datës 29.09.2017, Lexohet deklarata e drejtorit të Arsimit në Komunën e Glllogocit e datës 29.09.2017 dhe deklarata plotësuese e të njëjtit e datës 02.10.2017 dhe Lexohet Raporti i Policisë i datë 26.09.2017.

Paneli, pasi që shqyrtoj pretendimet ankimore provat e administruar, për secilën veç e veç dhe të gjitha së bashku, në kuptim të nenit 117 par.2 të LZP-së, gjeti se ankesa është **pjesërisht e bazuar**, për këto arsye:

Nga Formulari për Njoftimin e mbajtjes së tubimit Publik me nr.159/17 i datës 22.09.2017, paneli konstatoi se parashtruesi i ankesës ashtu siç edhe e ka theksuar në ankesë në afat të paraparë ligjor e ka njoftuar Komisioni Komunal Zgjedhor (KKZ), në Komunën e Glllogocit, për mbajtjen e tubimit publik në Shkollën “Halil Bajraktari”, të kësaj komune, dhe për të cilin tubim është lejuar mbajtja e të njëjtit nga KKZ-ja në Komunën e Glllogocit.

Me video CD, që gjendet në shkresat e lëndës, paneli konstaton se Polici, që ishte prezent në mbajtjen e tubimit publik të organizuar nga subjekti politik LVV, bisedon me telefon me drejtorin komunal të arsimit, dhe ja konfirmon se subjekti që ka parashtruar ankesë në këtë rast është ne rregull me dokumentacion dhe duhet te lejohet të mbahet tubimi në fjalë. Poashtu nga e njëjta video-CD, konstatohet se punëtori i sigurimit i shkollës ku është caktuar të mbahet tubimi, ka qëndruar para derës së hyrjes të kësaj shkolle, duke mos e lejuar askënd të futet brenda, pasi që e kishte urdhrin nga drejtori i shkollës Gazmend Heta, kryerës i supozuar në këtë rast.

Nga parashtruesi e Komisionit Komunal të Zgjedhjeve në Komunën e Glllogocit e datës 29.09.2017, paneli konstaton se parashtruesi i ankesës e ka plotësuar brenda afatit ligjor formularin e njoftimit për mbajtjen e tubimit publik, i cili tubim publik është lejuar nga KKZ-ja në Glllogoc, dhe për të njëjtin tubim është njoftuar stacionin e Policisë në Glllogoc.

Me parashtruesat e datave 29.09.2017 dhe 02.10.2017, të Tafil Halilaj në cilësinë e Drejtorit Komunal të Arsimit në Glllogoc, paneli konstatoi se drejtori i shkollës “Halil Bajraktari” Gazmend Heta, në cilësinë e kryerësit të supozuar në këtë rast, nuk është urdhëruar nga Tafil Halilaj në cilësinë e Drejtorit Komunal të Arsimit në Glllogoc, që mos të lejon subjektin politik LVV, për ta mbajtur tubimin publik me datën e lejuar nga KKZ-ja në Glllogoc.

Me raportin e policisë të datës 26.09.2017, paneli konstatoi se tubimi në fjalë ishte paraparë te mbahet me datën 26.09.2017, ne objektin e shkollës fillore “Halil Bajraktari” në Glllogoc

por se i njëjti është mbajtur ne hyrje te objektit te shkollës pasi qe punëtorët teknik, nuk e kanë lejuar qe tubimi të mbahet ne objekt me arsyetimin se nuk e kane pëlqimin nga drejtori i shkollës, pasi qe paraprakisht nuk e kishin marre pëlqimin nga drejtorja e arsimit ne Gllogoc.

Paneli, për të vendosur dhe pranuar një ankesë si të bazuar vendimin e tij e mbështet në dëshmi të qarta dhe bindëse siç përcaktohet me nenin 117 par. 3 të LZP-së, ndërsa në këtë rast nga provat e administruara, ka rezultuar se drejtori i shkollës “Halil Bajraktari” Gazmend Heta, e ka penguar mbajtjen e tubimit publik të subjektit politik LVV, veprime këto qe janë ne kundërshtim me dispozitat ligjore Neni 4.2 i Rregullës Zgjedhore 13/2013 të KQZ-së.

Paneli me rastin e vendosjes si në pikën -I-, të dispozitivit të këtij vendimi, është vendosur duke u bazuar në dispozitën ligjore të nenit 120 par.3, pika d), të LZP-së, në të cilin parashihet se: *“Në rast se ka ndodhur një shkelje e këtij ligji ose rregullave zgjedhore e cila e minon integritetin e zgjedhjeve PZAP-i mundet d) Ndalojë një individ të marr pjesë në zgjedhjet e mbajtura nën autoritetin e KQZ-së, si kandidat apo edhe si pjesë administrative e ndonjë organi zgjedhor, për një periudhë kohore që nuk u kalon gjashtë (6) vite”*. Pasi është vërtetuar nga paneli në mënyrë të pa dyshimit se drejtori Gazmend Heta në cilësinë e kryerësit të supozuar në këtë rast, e ka penguar mbajtjen e tubimit publik në fjalë gjatë fushatës zgjedhore.

Lidhur me pjesën e ankesës që është refuzuar nga paneli siç është vendosur në pikën -II-, të dispozitivit të këtij vendimi, parashtruesi i ankesës nuk e ka provuar me asnjë se provë se drejtori në fjalë i përket ndonjë subjekti të caktuar politik, prandaj kërkesa e parashtruesit të ankesës në këtë pjesë është refuzuar si e pabazuar, ngase paneli shqipton një gjohë vetëm ndaj subjektit politik siç përcaktohet me dispozitën ligjore të nenit 120 par.1, pika c) të LZP-së.

Nga arsyet e theksuar më lart e duke bazuar nenin 44.2 dhe nenit 118 par.1 të LZP-së, paneli vendosi si në dispozitiv të këtij vendimi.

### **Paneli Zgjedhor për Ankesa dhe Parashtresa**

Zl.Anr. 87/2017 më datën 02.10.2017

***Këshillë Juridike:*** Kundër këtij vendimi është e lejuar ankesa në *Gjykatën Supreme të Kosovës, brenda njëzetekatër (24) orëve nga momenti i marrjes-pranimit të këtij vendimi.*



Ky vendim menjëherë të ju dorëzohet:

- Palëve në procedurë,
- Komisionit Qendror të Zgjedhjeve (KQZ) dhe
- Komisionit Komunal Zgjedhor (KKZ), në Komunën e Gllogocit.